



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS
*manè discutienda in Scholis Medicorum, die Jovis decimâ-quintâ
mensis Novembris, Anno Domini M. DCC. LIII.*

M. SIMONE - ANTONIO BRINGAUD,
Doctore Medico, Præsidente.

Estne totus Homo à Naturâ Morbus?

I.



ITAM nullus acciperet si daretur scientibus; ad eam enim cui patet ingressus, patet & ad miseriam: nec quò longior, melior, sed quomodo fabula, ita & vita: quàm bene, non quàm diu acta sit, refert. Primo respondet ultimus dies; utque illam à doloribus auspicamur, sic ab eâ vi laborum ejicimur. Mediū temporis cursus vix motu tranquilliore peragitur: hunc nobiscum dividit somnus, & pars æqua morti similis exigitur aut pœnæ nisi contingit quies, re-

* M. GUIDONIS PATIN, anno 1643.

A

liquum tenent tormenta. Undique mala circumstrepunt, ubique bellum & infidæ, nullibi induciæ; omnis dies, omnis hora nos mutat. Mundus in unius hominis gratiam factus, videtur odio in ipsum plenus, ut per ea perniciem creet, per quæ nos tuetur & sustinet. Quin & putre hoc corpus, animi pondus ac carcer, tam malè convenit nobis, ut, quod evenit in alieno habitantibus, semper aliquid supersit aut desit. Hinc crebri dolorum morsus & innumeri morbi, qui vel silentio subeunt, vel aperto Marte grassantur & sæviunt. Neque tam vario genere vivimus, quàm ægotamus; & mors ut semel jugulet, sæpe nos experitur. Quidquid non rarè transferuntur morbi, nunquam verò sanitas? Dubium quod an Natura melior Parens, an tristior noverca fuerit? brutis indulgit animas, nobis animum quoque; sed sæva mercede contra tanta sua munera: nam ut multi sint à corpore morbi, adhuc tamen plures ab animo. Neque verò acuendum est ferrum, aut temperanda sunt venena, ut partis utriusque, infirmo vinculo coherens, societas dirimatur: Levi externarum injuriarum afflatu vitæ exuimur, penèque in id videmur nasci, ut vitæ defungamur. Nec à folis morbis afficimur, & facessunt negotium illorum prodromi: ipse Somnus, aliàs pars humanæ melior vitæ, etiam valentibus aliquid grave & periculosum minatur; ut & pervigilium; oris amaror, & *ἀνορεξία*, biliosæ impuritatis propagines; sudores, humidioris hepatis indices; necnon ipsa Sitis, sive sit à Ventriculo, sive à Pulmone. Lassitudo multis modis nocet, quæ cum corporis triplex sit, & ad cujus depulsionem tota Medicina requiritur, est & ingenii, nec illa levis, imò supplicium insolens, & sedentium ad libros miserum stipendium. Viri etiam robustissimi non carent morbi suspitione, nec sunt extra omnem aleam, & sua sunt illis incommoda, parque per omnes tempestas. Imò & ipsa Athletarum euexia periculi plenissima est, nisi statim solvatur. Quidquid ad summum pervenit, ad exitum properat. Speciosa illa sanitas lubrica est: ipsi bene colorati debent habere suspecta sua bona, ut gladiatores suam saginam: qui enim foris splendent, intus sæpe sordent. Humanæ vitæ mimum componunt atque perficiunt grandia non minimis gaudia mixta malis: nullum tempus excipitur: medio de fonte lepòrum surgit amari aliquid quod in ipsis faucibus angat; bellum in mediâ pace confurgit; invadit temperatissimos morbus, validissimos febres; & morbi causas, si alia deficiunt, nimia sibi felicitas invenit. Neminem eò bona valetudo provexit, ut non tantum illi minaretur quantum permiserat: sed huic maliciæ ne fidito: mare momento vertitur: eodem die, ubi luserunt navigia, sorbentur; extrema gaudii luctus occupat. Ad hæc, præter solida mala quæ sæpe muliebriter ferimus, sæpius ad opinionem dolemus; & tam æger est quisque quàm credit. Has tamen inter vitæ-ne an mortis moras? Homo æquè superbum ac caducum animal, quasi non sentiat ire se, vel rapi eò quod eunt omnia, sibi æterna proponit, & in quantum potest ætas humana protendi, spe ac votis occupat: quodque miserrimum, quantò illi vita fragilior, quæ puncto tenui citata transit, tantò ejus libido effusior: ut cum singuli dies tantumdem in mortem conferant, demens ultimum exhorrescat, eoque instante, ulteriores, si quem possis asnuere, omni pretio coëmar: qui tamen dies omnino pauci semper erunt, si illos numeraveris: sed hoc habet inter alia, stolidam mortalitatem incommodum, nemo sine querelâ moritur.

I I.

IN femine, è quo partes solidæ fiunt, & in sanguine menstruo, quo constant alunturque carnosæ, suas habent radices tam multa quibus conflictamur incommoda, latentque morborum & mortis germina, quæ, & paria his ex quibus orta sunt, faciunt, & citiùs corpore adolefcunt: in illo viget repugnancia

3

primordiorum, quæ ut vivendi causa sunt, ita & viæ mortis; nec minus morborum elementa, quàm corporum; ac licet in permissionem quodammodo paria venerint, brevi tamen, impari prælio sese vehementer exagitant; & dum in nos intus forisquæ sæviunt, sanitatem quam fecere subvertunt; adeo infida est ex contrariis origo. Est & à semine insitus calor, qui eadem manu nos fovet ac conficit; & quia salutarem humorem suæ efficientiæ furrim, sed avidius carpir, ipsum quoque se perimit: ita ut qui author est vitæ, idem sit & necis. Sanguis maternus, in quo & aliquod semper elementum regnat, dum corporis nostri partes alit, eas quoque suis vitiis imbuat: & quamquàm ea levius quàm semen in corpus inserat, maternos tamen affectus sæpius referimus quàm paternos: ferè enim parentum in natos abeunt cum semine mores & morbi, vix ullis deinceps machinis abigendi: & quæ conditio est feminis, non rarò plus reddit quàm acceperit. Hinc fatui fatuos generant; & qui vexantur arthritide, calculo, phthisi, epilepsiâ, morbo Punico, syphilide vel Indico, hepatico, splenico, liberos edunt adeo similibus injuriis obnoxios, ut priùs in sui perniciem experiantur mala, quàm eorum possideant bona; plerumque enim morbi per successiones quadam, ut alia traduntur. Hæc sunt Medicorum opprobria, hæc affectus, in quos temporis non est præscriptio. Ad eorum censum ne referas pueris & mulieribus familiares papulas, Hippocrati & Galeno indictas & incognitas; non ab ulla sanguinis menstrui portione, non à maligna aëris qualitate, nulloque cæli aut aëris vitio, in humanam gentem sæviante vel propagato; sed ab insigni humorum putredine ortas, quæ licet sese tantùm prodant in cute, quam vel describunt maculis, vel in pustulas attollunt, nihilominus in alto malum est, & in viceribus sedet. Ab iis non sunt immunes quibus è resecto umbilico copiosus sanguis effluxit, sed potiùs quibus primo vitæ biennio puliculæ usus substractus. Præcipua curationis spes posita est in phlebotomia, quæ vel ineunte morbo, etiam in lactentibus, imò & in tenellâ ætate, bimestribus, trimestribusque, vel post eruptionem (quam, si difficilis fuerit, apprimè juvabit egelidæ aquæ balneum) citò, tutò, & intrepidè administrata fert omne punctum. Frustra propinaveris lapidem bezoardicum, tam artis quàm artificis scandalum: frustra stillaritis illas aquas de ulmaria & carduo benedicto, de quibus quæ dicuntur, nugæ sunt, verbaque inania; frustra decoctum lenitum, vel hidrotica: frustra & famosas illas confectiones de cocco baphico, & hyacintho, non tam ad valetudinem repertas, quàm excogitatas ad pompam (quasi Medicina artium præstantissima, alieno & fucato illo splendore indigeret) nullo nomine cardiacas, titulo quidem speciosas, sed effectu inanes, quæque ad morborum curationem non magis valent, quàm nænia præficæ ad excitandos mortuos. In hoc censu aurum repono, nullâ aliâ qualitate cardiacum, quàm quod mentem exhilaret.

III.

TOTUS hic orbis valetudinarium est, in quo non omnes decumbunt ægri; sed eorum multi pro sanis ambulant: pauci morbum suum vident, omnes amant: totus mundus scenicum est theatrum, in quo quisque suas partes agit, donec choragus educat è proscenio, & ubi πολλὰ μορφαί τῶν ἀτυχεύοντων: quippe hominem tot undique circumstant morborum idæ, ut ab illis vix momento sit liber. Nonnulli certis sæculis prodeunt, occidunt, ut Gemursa; & patrum memoriâ, certis Europæ regionibus cum Ægipto commune malum, quod cum olim in Reges incidisset, populis erat funebre, crudeli & inutili remedio, balneo ex humano sanguine parato: nec verò utilior εἰνούχησις, sed nec hydrargyrus, fatuæ Chymistarum gentis Idolum vanissimum. Quidam inausitâ

peregrinatione huc illuc vagantur : sic luem illam Italicam, horrendum scortatorum flagellum, Europæis India : Indis vicissim variolas misit Europa, altera alteri malas merces. Habet unaquæque regio privata commoda, sed habet & privatos morbos : sic Hispaniam infestat Struma, Poloniam Plica, Parisinos Catarrhus πρηγιδης, Tussis, & Calculus; Anglos, Lusitanos & Benearnenses, αὐαττ, sive morbus exficcans, qui prorsus idem est cum Pthisi, nec est aliud quàm morbus materiæ Fernelli, & marcor pulmonis : sic Balthici maris accolæ Scorbutus, sic Narbonenses carbunculi frequentes, Romanis Consulibus ac Purpuratis æquè fatales. Tempestatum vicissitudine, morbos quos creant singulæ, non tam deponimus, quàm mutamus. Hyems scelerato frigore necat, Ver morborum infinito numero; Æstas immodicâ siccitate, vitæ principia depopulatur; Autumnus, Libitinæ quæstus acerbæ, fructuum proventu morbos creat atrocissimos. Ipsi quoque humores quam debent fovere sanitatem, sæpenumero labefaciunt. Ita sanguinei, ab incaffato vel arefacto sanguine, desipientiæ obnoxii. Pituitosi, asino tardiores, & hyeme Gallicâ frigidiores, nihil aliud sunt quàm ἐνδογενὲς ἀχολικὸν αἶμα. Melancholicis misera est atque infelix vita, quoniam imprimis dormire non possunt, etiam si maximè velint; tum etiam quia causarii, pertinaces, omnia tuta timentes, atris tenebris & carcere cæco conclusi, nigri humoris potenter dominantis ἀνομιαν, vulgò Medicorum crucem figentes : eo solo felices habendi, quod sint providi futuri. Soli biliosi, si temperati corpore, mente valent, ingeniosi, fortes, optimi, heroes : si intemperati, leves, inconstantes, crudeles, feræ, tyranni. Quid multa? etiam morbus est aliquis per sapientiam mori : morbis enim quoque quasdam leges Natura imposuit. Vere vix incipit Quartana, quæ ubi autumnalis, ferè annua est, aut lethalis. Pestis Mauritanicæ vastatrix, parcit occidentali Æthiopix licet fervidissimæ, minimè senibus, ut somniavit Plinius : at ubi affligit, qualiacumque adfuerint symptomata, nunquam antè coctionem purgantibus oppugnanda : eludit amuletorum omnium vim, & quæ occultâ virtute agere falsò circumferuntur. Quidam in servitia seviunt morbi, quidam & in proceres, ut mentagra, olim nobilium pœna. Sed & qui separantur sexu, separantur & morbis. Viri, esto sciant quantum possit unus Uterus, certè non experiuntur. Hæmorrhoids viris interdum purgatio, interdum ut & mulieribus morbus est. His aliàs pepercit Arthritis, nunc familiaris, non mutata naturâ, sed vitâ; scilicet beneficium sexûs sui vitiis perdiderunt; & quia feminam exuere, damnatæ sunt morbis virilibus. Ex morbis quoque aliqui totius sunt corporis, ut febres, fere à bile omnes, quarum aliæ quino & septeno circuitu repetunt, aliæ quotannis natali die. Aliqui singularum sunt partium, quæ & communibus tentantur morbis, ut omni intemperiei & tumorum genere, inflammatione, abscessu, vulnibus, (quorum medelam nihil promovet unguentum hopliatricum, nec militaris ille pulvis sympathicus;) & seorsim quoque propriis exerceant affectibus. Inter capitis vitia sunt cephalæa, phrenitis, melancholia, (quæ nihil aliud est quàm perturbata animi mens, cum mœrore metuetque, aut acerbâ mentis intemperies, quæ nec parvis, nec abjectis ingenis accidit; imò ferè semper est ἡρωϊκὸν μάδος, & imaginofus quidam animi morbus, qui omni medicinâ, saltē violentâ, solet efferrari ac exacerbari;) vertigo, lethargus, typhomania, fatuitas, epilepsia, paralyfis, apoplexia, quam inducit tabacocapnia, irritat excitata febris, insanabilem reddit vinum ex stibio, * verè stygium & tartareum venenum, inhumanum & lethale Paracelsi & Agyrtarum inventum, cujus maleficium non tam sordes eluuntur, quàm venæ aperiuntur & viscera dissepuntur. Ita quæ in eo sedem habet faculas animalis non tot se prodit functionibus, quot patet injuriis. Multis modis sed maximè imperitis illud in-

* Notum omnibus G. PATINI præjudicium.

3
cubus, quem inepti nonnulli in spectra, nocturnos lemures, lamias, & sagarum ludibria stolidè rejiciunt. Oculus, animi index, pars tantula! tot sustinet morbos, ut nedum constet de numero. Nasum obsidet putre ulcus, Ozæna dictum, quo qui laborant, ipsi tum sibi graveolent putiduli, tum vicinis tetri spiritûs contagione molesti sunt. In illis puris acredo tenella ossa arrodit atque exedit insigni deformitate, exesumque palatum sæpe perforat. Ejusmodi ulcus ferè carcinodes est, aut venereum, aut strumofum, aut elephanticum. Plura dicam: animum ipsum ex nasi purulentia infici volunt Physiognomones, unde illis est axioma; corruptum Nasum sequitur corruptio morum; quod est probabile: ex isto enim Nasorum genere, qui rancido ore loquuntur, hoc est *αἰσῶς καὶ δυσῶς*, vulgò nebulones sunt, mendaces, maligni, invidi, ridiculi, effrænes, nefarii, ardeliones, vafri, dolosi, obscæni, turbulenti, quadruplatores, flagitiosi, infames, contumeliosi, toculliones, facinorosi, nullâ virtute redempti, à vitiis ægri, solâque libidine fortes, industriâ ficti, & à Naturâ facti ad fraudem & calumniam. Ut sit, miseri homuli medicinâ indigent, sed violentâ, ferro & flammâ. E tot affectibus qui Thoracis ambitu continentur, cave ab hæmoptylî & inflammatione pulmonis: nec minùs lethales sunt hydrops thoracicus (quem pulmonei pedes demonstrant, quemque hydragogôn usu tollere qui nititur, tortorem agit, non Medicum); angina vera; pleuroperipneumonia; empyema, nisi statim fiat sectio: crudum tuberculum, naturâ suâ immedicabile, cujus index est pulsus intermittens & inæqualis in omni genere inæqualitatis; cordis palmos à grumo sanguinis; ut & phthisis; & vomicæ putres; ab his enim subitæ mortes atque inestata senectus. Cor quibus lienosum est, salit sæpe, & momento interimit. Reverà Ventriculus plurimis urgetur symptomatis, nec ferè multò paucioribus morbis: at, quæ illi passim tribuitur imbecillitas, nudum & inane nomen est, cujus curationem frustra per adstringentia molliuntur Empirici, divinæ artis quam profitentur ignari. Jecur viscus est sæcundum humoribus, magis verò morbis: ab hoc ferè equuleo magis formidandus crudelis rheumatismus, qui sudorificis exacerbatur. Quæ sit vis lienis, quot morborum sit author, discite ex hypochondriaciis & insanis. Uterum divinam luxuriantis Naturæ favissam, penè infiniti malè habent affectus, in quibus familiam ducunt atque supereminent, inflammatio, cancer, *πρὸς γυναικίος*, abortus, ulcus, *μυτρομαρία*; quodque omnem propè fidem superat, strangulatus, adeo terrificus, ut eo correptæ, dyspnoeâ præfocante, faucium intumescentiâ, & membrorum concussione, à malè morato utero, stultis & credulis temerè judicantibus, falsò putentur *δυσμηνόεσθαι*. Pudendarum partium magis pudendos morbos pudor hic non sinit adscribere; vel ipsa Urethra, si fascini, sanè non est morborum experta: astites glandulæ gonorrhœam fundunt virulentam, ubi tetri virûs assatu inflammantur; ut eâ de causâ huic etiam inveteratæ pulchrè medeatur venæ sectio è brachio, quæ luem veneream numquam excitavit, quidquid garriant imperiti Medicelli. Per Naturam homo homini Lupus, ut per Medicinam homo homini Deus: etiam hominî multa à seipso mala; sed & multa ab alienis animalibus intus forisque grassantibus: quosdam enecat Nepa, alios rabies, quæ ut in cane & lupo, quidni & sponte excitari possit in homine? & verò etiam aliqua sinu suo fover in perniciem: quippe nascuntur in venis dracunculi, ferè ubivis vermes, qui & eminguntur & emunguntur. Ipsi pediculi Regibus, Philosophis & Tyrannis vitam ademere; aliis serpentes, qui interdum magnâ copiâ erumpunt è corpore. Scire vis an alii qui quoque sint atatum morbi? totam vitam tracta.

PUNCTUM est quod vivimus, vel puncto minus, & tamen Natura in tam angusto plures posuit gradus. Vix concepti & inchoati hominis signa sunt mille matris tædia (tam magno empta brevis voluptas) pica, incubus, spasmus; & puræ mulieres id facilius sentiunt quàm impuræ. O frivolam hominis originem! sæpe uterus ei pro tumulo est, & plerumque vel abortus causa fit odor à lucernarum extinctu. His principiis nascuntur & Tyranni, & Heroës; ab illis nihil dissimiles, quibus interdum ante mortem erumpunt ulcera, qualia olim Lyfandro Laconi, à nigræ bilis dominatu. Est & ubi velut ante miseras miser, in utero ejulantis vocem emittit. In partu quid non metuendum ab imperitâ obstetrice? & à partu, quid non ab alienâ nutrice? quamquam nec tutum puerperæ lac, à quo fiunt colostrati infantes, quemadmodum à biliosæ nutricis lacte calculus. Ut hoc maternorum viscerum latens onus spiritum ducat, penè mater expirat. Pudet referre quàm immeritò natalium nobilitate glorientur homines: fœdum, sed tamen verum, nonnunquam ipse uterus prurit ac ebullit vermicibus, ut cum iis ceu cum gemellis, eadem sint Tyrannis ortus incunabula. Natus homo, Solstitialis velut herba solet, aut ostenditur simulque rapitur, aut primum vitæ tempus dat lacrymis tam iustè cadentibus, ut hoc ipsum flere nascentis sit: strictos subinde gladios experitur, imò nec sine his in vitam asseritur: mox quæ ne feras quidem inter nos genitas, illum excipiunt vincula, quem aliquando non capient regna. Vide an in ætate nostrâ quod optimum primum est? velci, fari, ingredi nescit animal cæteris imperaturum, & hanc vitæ partem quadrupedi similem facit. Neque interim tam teneris membris parcent morbi, sed pulsionem vel adhuc à matre rubentem adoriuntur. Palpitans vertex achoribus, hydrocephalo & siriasi premitur: aures humiditate diffuunt, quarum vicinas glandulas pravâ *ἐπιγενέσει* opprimunt parotides, vera meraque *βλασθήματα τῶν ἐνείκτων*, vix unquam bonis ægrorum rebus apparentes, nisi geminæ fuerint, ut Dioscuri solent, prosperi cursûs navigantibus prænuncii. Nondum firmum cibus os, aphthis scatet; pulmo quintana tussi, ferinâ & contumaci, à fero maligno & *ἀντερμῶν* è venis exudantè; ventriculus vomitu rumpitur; alvum vexant tormina; umbilicum inflammatio; mentem vigilæ & pavores. Dentientem torquent convulsiones, givivarum pruritus, febres, & diarrhææ. Natu majori inflammantur tonsillæ, luxantur vertebrae, generantur in intestinis lumbrici, amaris seminibus, acidis, oleaginosi, aut mercuriali aquâ necandi, solis verò purgantibus ex alvo deturbandi: in vesicâ calculus, nullo *λειτουργίῳ* frangendus; asthmata neque emeticorum, neque diureticorum usu curabilia: strumæ, quæ si ulceratæ fuerint, malignæ, contagiosæ & immedicabiles habendæ, nisi vis major & Metaphysica, nempe Christianissimi Regis salutare manus intervenerint: toto corpore scabies & furunculi, ad quorum medelam unica *ἐπαφαρσις τε καὶ ἐπιτρασις*. Pueritia adeo morborum ferax est, ut nullus optet ad eam reverti. An etiam quia tunc desideratur sapientia? quæ numquam præcox, vel si barbam anteeat. Per hanc hæmorrhagiæ & febres diuturnæ affligunt, & qui morbi eâ ætate non solvuntur, inveterascere solent, & obfirmari: nec attinet quod tum maximè sequax corpus luculentum capiat incrementum; posse crescere, nonne imperfectæ rei signum est?

V.

QUÆ sequitur ætas licet temperatissima sit, ac jam pueritiæ vitia despumant, pessimos tamen affectus invehit, cuiusmodi sunt morbus major, nonnunquam à flatu: tabes: cruentæ spuitiones. Cum in viros evasere, pulmo infestatur peripneumoniâ; thorax pleuritide, deterioris in sinistro latere omnis; alvus lienteria, diarrhœa & dysenteria, quæ meliùs detrimentum diceretur, ut-

pote in quâ deteruntur intestina in propriâ substantiâ, & cujus, si vera fuerit, quatuor sunt signa pathognomonica, ut nimirum sit cruenta, dolorifica, frequens & pauca dejectio, morbus interdum acutus, semper gravis, in hepatis atrox desinens ut plurimum, vel in gangrænosin intestinorum, quæque hîc tantum per accidens & secundariò afficiuntur, cum prima mali labes sit in mesenterio, pernicioso abscessu, aut inflammatoriâ quadam dispositione obfesso: cruciant demum caufus & cholera, cum sub pectore macula bilis intumuit, quam vix extinxerit urna cicuta, quorum soli atque legitimi vindices sunt venæ sectio & frigida potus. An prodest illa virium firmitas? tardum dictu, sub quam cute lateat beatum ingenium; nam & animi vigor, cum corporis viribus minuitur, & nimio robore membrorum hebescit, quasi supra mortalem sit felicitatem, eundem & valentissimum esse & sapientissimum. Inclinate ætate bilis atræ fit proventus; unde Quartana non minus infortunata, quia biduo medio intervallatur, & in quâ *μιασμητοῦ, δὲ μετεστέ*, ex Phavorino, cum sit juvenibus tormentum, senibus mors, eoque citius si continua fuerit; malum contumax & ferè plusquam corporeum, cujus curationem frustra suscipias pavore, maleficio, vomitu; imò nec purgantium usu, nisi præsentē *παρασυσμῶ*: ob id quoque sanguis, qui aliàs spumanti ore evomebatur, per anum fluit, idque maxime *ἐν τῇ ἀκροποσσίν*. Interea obrepit non intellecta senectus, expectata diu, votisque optata malignis, quæ tamen innumeris corpus lacerabile morbis objicit: mala merx, mala ætas; & adhuc juventutem cogitantibus supra caput est: nihil habet quod speret, quem illa ducit ad mortem: huic uni intercedi non potest. Cum universo pondere incubuit, nullo genere homines atrocius moriuntur, sed nec diutius: inde est quòd nec vivere nec mori volunt: vitæ illos odium tenet, timor mortis, qui quoties mentem percutit, palpitantibus præcordiis vivitur, maxime si climactericus annus, sapienti nèquidquam formidabilis. Eheu nos miseros, quàm totus homuncio nil est! Quanta senem circumveniunt incommoda! tunc enim floret amygdalus, impinguatur locusta, dissipatur capparitis: mors illi est requies, vivere poena gravis. Tunc advenit abeundi tempus & vita, quàm repolcenti Naturæ, ut debitor malæ fidei, redditurus non tam exultat quàm moeret animantium omnium miserimus; & tanquam inexercitatus histrio, in postremo fabulæ actu ridiculus concidit. Siccum & vacuum cerebro caput subjectas partes humoribus obruit, tentatur & vertigine, quæ ut præit apoplexiam, ita hæc si solvatur, ferè in paralyfim definit. En senibus vitæ portio quanta manet! hebescent sensus, cum voce trementia labra, in facie pallor, madidique infantia nati: si libros repetit, duplex se littera findit: eripitur sine nocte dies, nisi succurrant oculi vitrei: præmoritur odoratus, auditus, incessus: exanguis & funereo Euclioni dentes suis excussi alveolis balbutiem pariunt. Thoracem quatit prava tussis, ut & suspirium, non minus æquè quàm Philosophia, meditatio mortis nuncupandum: renes & eorum ductus carnifex calculus; vesicam dysuria (quæ si contumax fuerit, solâ sectione ad perinæum curabilis); artus *δυσίτοις πρὸς ταλόν*; articulos lapidosa chiragra, nodosa podagra, imò interdum assiduo ægrorum cruciatu, *πανάγχα*. Si copiosus sanguis cor obruat, sive ille concreverit necne, cardiaca Syncope statim suboritur, à quâ subito suffocatur animal, eodem modo quo Apoplectici: istam nulla valet Medicina repellere pestem, nequidem ipsæ artes Dardaniæ, imò nec ipsa Salus si cupiat. Etiam gelidus sanguis cutem urit pruritu & malignâ impetigine: totum denique corpus non antè torqueri desinit, quàm dolore sensum doloris amiserit. Hæ sunt primitiæ mortis, sic illis defuit ætas, quæis poena est totum quod vivunt: qui acerbis dolorum suppliciis penè contracti, & assiduis cruciatibus sapientes facti, illud

ad Midam Sileni verissimum experiuntur, optimum esse non nasci, aut quam cé-
 lerrimè mori. Accedit, omni membrorum damno major, dementia: nam senibus
 exprobratur infantia, quasi pars summa vitæ, vitæ ipsius fæx sit: pauci quippe sunt,
 qui cùm sentiant ætatis injuriam in corpore, non sentiant in animo, vixque tum
 mentis oculus acutè cernit, cùm corporeus deflorescit: at certè multis iners vita
 sine usu jacet sui, ita ut sibi sint odio, cæteris graves; tùmque nihil optabilius,
 quàm quæ est in propinquo Mors, omnium dolorum & solutio & finis, ultra
 quam mala nostrà non exeunt; optimum Naturæ inventum, omnem mærorem
 auferens, & supra Homericum Nepenthes potentissimum pharmacum, à Diis
 immortalibus, quibusdam piissimis tanquam summum præmium indultum & pe-
 rsolutum; unica tot ærumnarum clausula, & ultima vitæ *mortalis* linea. Quæcum-
 stant enim & artes moluntur, & parit Natura, una Mors hæc sibi vindicat:
 stant, ut ruant: vivunt, ut obeant: huic extremo discrimini servatur Orbis,
 & singula omnia quæ mundi sinu coërcentur. Ita nascentes morimur, finisque
 ab origine pendet.

Ergo totus Homo est à Naturâ Morbus.

DOMINI DOCTORES DISPUTATURI.

<i>M. Franciscus - de - Paulâ</i>	<i>M. Jacobus Barbeau du</i>	<i>M. Michael - Ludovicus</i>
<i>Combalusier, utriusque</i>	<i>Bourg, utriusque Phar-</i>	<i>Vernage, Eques, Cen-</i>
<i>Pharmacæ Professor.</i>	<i>maciæ Professor.</i>	<i>sor Regius.</i>
<i>M. Hugo Capet.</i>	<i>M. Joannes - Jacobus Mes-</i>	<i>M. Claudius - Antonius</i>
	<i>sence.</i>	<i>Renard.</i>
<i>M. Petrus - Augustus Adet.</i>	<i>M. Carolus - Franciscus</i>	<i>M. Petrus - Antonius Lepye</i>
	<i>Theroulde de Toulouse de</i>	
	<i>Vallun, Eques.</i>	

Proponebat Parisiis JOANNES - NICOLAUS MILLIN DE LA
 COURVEAULT, Nivernensis, Doctor Medicus Remensis, necnon
 Saluberrimæ Facultatis Medicinæ Parisiensis Baccalaureus,
 A. R. S. H. 1753, A SEXTA AD MERIDIEM,